



2018 у.г. «13 » сентябрь № 612-К

Samarqand sh., – г. Самарканд

**Вилоят ҳокимлиги ҳузуридаги
жамоатчилик кенгаши фаолиятини
ташкил этиш тўғрисида**

Ўзбекистон Республикаси Президентининг “Давлат органлари ҳузурида жамоатчилик кенгашлари фаолиятини ташкил этиш чора-тадбирлари тўғрисида” 2018 йил 4 июлдаги ПҚ-3837-сон қарорига мувофиқ вилоят ҳокимлиги ҳузуридаги жамоатчилик кенгаши фаолиятини ташкил этиш мақсадида “Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 25-моддаларига асосан

ҚАРОР ҚИЛАМАН:

1. Қўйидагилар:

Вилоят ҳокимлиги ҳузуридаги жамоатчилик кенгашининг таркиби 1-иловага мувофиқ;

Вилоят ҳокимлиги ҳузуридаги жамоатчилик кенгаши тўғрисидаги низом 2-иловага мувофиқ тасдиқлансин.

2. Белгилансинки:

вилоят ҳокимлиги ҳузуридаги жамоатчилик кенгаши (кейинги ўринларда – жамоатчилик кенгаши) ўз ишини жамоатчилик асосида олиб борадиган, доимий фаолият юритувчи маслаҳат-кенгаш органи ҳисобланади;

жамоатчилик кенгаши вилоят ҳокимлиги аппарати ҳузурида ташкил этилади ва унинг фаолияти туманлар ва шаҳарлар ҳокимлари ҳамда вилоят ҳокимлиги тасарруфидаги ташкилотларига татбиқ этилади.

3. Вилоят телерадиокомпанияси (Исматов), “Зарафшон” ва “Самаркандский вестник” газеталари бирлашган таҳририяти (Тошев), “Овози Самарканд” газетаси (Рахмонов)ларга жамоатчилик кенгашининг фаолиятини кенг ёритиб бориш ҳамда аҳолига етказиш тавсия этилсин.

4. Мазкур карорнинг ижросини назорат қилиш вилоят ҳокимининг ўринбосари, хотин-қизлар қўмитаси раиси Х.Шодиева ва Ташкилий-назорат гурухи раҳбари А.Курахмедов зиммасига юклансин.

Вилоят ҳокими в.б.



Э.Турдимов

Вилоят ҳокимининг
2018 йил В. Сабиров
012-05-сонли қарорига 1-илова

**Вилоят ҳокимлиги ҳузуридаги жамоатчилик кенгашининг
ТАРКИБИ**

- 1 Нормуродов Хасан Норбекович
- 2 Шарафов Боҳодир Негматович
- 3 Муҳаммадиев Ҳўжакул Утаевич
- 4 Рафиқов Сухроб Абдугафарович
- 5 Усмонов Үткир Баҳронкулович
- 6 Бобоёров Махмуд Ҳамидович
- 7 Тошев Фармон Исҳакович
- 8 Рахмонов Боҳодир Убайдуллоевич
- 9 Исламов Дилмуродв
- 10 Ражабов Сайфулло Ҳамдуллаевич
- 11 Шодиева Зебинисо Нурмамадовна
- 12 Рахманова Рахима Рашидовна
- 13 Арипова Мунира Шерматовна
- 14 Рахматов Фотих Акмалович
- 15 Эшонкулов Зайниддин Садриддинович
- 16 Хонкелдиева Феруза Мусаевна
- 17 Бобомуродов Салоҳиддин
- 18 Эркаев Ўқтам Абдиевич
- 19 Зияев Абдузоҳир
- 20 Имомова Дилбар
- 21 Рахматова Норхол

Ўзбекистон фахрийларни ижтимоий қўллаб-куvvatлаш “Нуроний” жамғармаси Самарқанд вилояти бўлими Кенгashi раиси, **Кенгаш раиси** Самарқанд вилоят ҳокимлиги Маданият бошқармаси бошлиғи, **Кенгаш раисининг ўринбосари**; Самарқанд давлат бирлашган тарихий, меъморий ва бадиий музей-қўриқхонаси бош директори, **Кенгаш котиби**;

Аъзолари:

Самарқанд вилояти касаба уюшмалари ташклотлари бирлашмаси Кенгashi раиси;
Республика Маънавият тарғиботи маркази
Самарқанд вилояти бўлими раҳбари;
Вилоят “Маҳалла” жамоат фонди раиси

Вилоят ҳокимлиги “Зарафшон” ва “Самарқандский вестник” газеталари бирлашган таҳририяти бош муҳаррири

Вилоят ҳокимлигининг “Овози Самарқанд” газетаси бош муҳаррири
Ўзбекистон миллий телерадиокомпанияси
Самарқанд вилоят телерадиокомпанияси директори в.б
“СТВ” Телеканали директори

Самарқанд вилоят “Оила” илмий амалий маркази раҳбари

“Соғлом авлод учун” ҳукуматга қарашли бўлмаган халқаро ҳайрия жамғармасининг Самарқанд вилояти минтақавий филиали директори
Ўзбекистон Қизил Ярим ой жамияти Самарқанд вилоят ташкилоти раиси
Фуқаролик жамияти шаклланишини мониторинг қилиш мустақил институти вилоят бўлим бошлиғи
Ўзбекистон мусулмонлари идораси Самарқанд вилоят вакили ва Пайариқ тумани “Имом Бухорий” жоме масжиди имом-хатиби

“Тадбиркор аёл” Ўзбекистон Ишбилиармон Аёллар Ассоциацияси Самарқанд вилояти бўлими раиси
Мехнат фахрийси

Мехнат фахрийси

Мехнат фахрийси

Мехнат фахрийси

Мехнат фахрийси

Вилоят ҳокимининг
2018 йил 13 саввада
Б.Б.-К.-сонли қарорига 2-илова

Вилоят ҳокимлиги ҳузуридаги жамоатчилик кенгаши тўғрисидаги НИЗОМ

1-боб. Умумий қоидалар

1. Мазкур низом (кейинги ўринларда Низом деб юритилади) вилоят ҳокимлиги ҳузуридаги жамоатчилик кенгашининг (кейинги ўринларда — жамоатчилик кенгаши) асосий вазифалари, функциялари, ваколатларини ва фаолиятини ташкил этиш тартибини белгилайди.

2. Жамоатчилик кенгаши ўз ишини жамоатчилик асосида олиб борадиган, доимий фаолият юритувчи маслаҳат-кенгаш органи ҳисобланади.

3. Жамоатчилик кенгаши вилоят ҳокимлиги аппарати ҳузурида ташкил этилади ва унинг фаолияти туманлар ва шахарлар ҳокимлклари ҳамда вилоят ҳокимлиги тасарруфидаги ташкилотларига татбиқ этилади.

4. Жамоатчилик кенгаши вилоят ҳокимининг қарори билан ташкил этилади.

5. Жамоатчилик кенгашининг қарорлари тавсиявий хусусиятга эга.

6. Жамоатчилик кенгаши ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, мазкур Низомга ҳамда бошқа қонун ҳужжатларига амал қиласди.

7. Жамоатчилик кенгаши тўғрисидаги низом ва унга киритиладиган ўзгартишлар ҳамда қўшимчалар вилоят ҳокимининг қарори билан тасдиқланади.

2-боб. Жамоатчилик кенгашининг асосий вазифалари, функциялари, хукуқлари ва мажбуриятлари

8. Қуйидагилар жамоатчилик кенгашининг асосий вазифалари ҳисобланади:

қабул қилинаётган норматив-хукуқий ҳужжатларда, қарорларда, шунингдек, худудий ривожлантириш дастурларида жамоатчилик манфаатлари ва жамоатчилик фикри ҳисобга олиниши, фуқароларнинг, юридик шахсларнинг ҳукуклари ва қонуний манфаатларини, жамият манфаатларини ҳимоя қилиш соҳасида қонун ҳужжатлари талаблари ижросини таъминлаш, ҳокимлик зиммасига юклangan ҳамда ижтимоий ва жамоатчилик манфаатларига дахл қилувчи вазифалар ва функцияларни бажариш, давлат хизматларини кўрсатиш, ижтимоий шериклик доирасида амалга ошириладиган битимлар, шартномалар, лойиҳалар ва дастурларни рўёбга чиқариш бўйича вилоят ҳокимлиги ва унинг мансабдор шахсларининг фаолияти устидан жамоатчилик назоратини амалга ошириш;

биргаликда мулоқот қилиш, вилоят ҳокимлигининг нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтлари билан самарали ҳамкорлигини таъминлаш учун вилоят ҳокимлигини фуқаролар билан боғлаб турадиган “кўприк” ролини бажариш;

фуқароларнинг ҳуқуқлари, эркинликлари ва қонуний манфаатларига дахл қилувчи энг муҳим масалалар юзасидан вилоят ҳокимлигининг фаолияти ҳақидаги жамоатчилик фикрини тизимли мониторинг қилиш ва ҳар томонлама таҳлил қилиш, социологик сўровлар ўтказиш, жумладан уларни ахборот-коммуникация технологияларидан фойдаланган ҳолда ўтказиш;

вилоят ҳокимлиги фаолиятида коррупцияга қарши курашиш соҳасидаги давлат дастурлари ва бошқа дастурларни ишлаб чиқиш ҳамда амалга оширишда иштирок этиш, коррупцияга қарши курашиш бўйича олиб борилган ишлар устидан мониторинг ва таҳлил ўтказиш, шунингдек, уларнинг натижалари бўйича таклифлар тайёрлаш;

вилоят ҳокимлиги фаолиятининг очиқлигини таъминлаш бўйича амалга оширилаётган тадбирларни мониторинг қилиш, унинг фаолияти тўғрисида батафсил ахборот олиш имкониятларини таҳлил қилиш, уларни янада кенгайтириш бўйича таклифлар ишлаб чиқиш;

вилоят ҳокимлиги фаолиятини ислоҳ қилишда фуқаролар иштирок этиши учун яратилган шарт-шароитларни ўрганиш ва уларни яхшилаш бўйича таклифлар ишлаб чиқиш;

вилоят ҳокимлиги фаолияти бўйича фуқаролар ўртасида ўтказиладиган тушунтириш ишлари ва маънавий-маърифий тадбирларда иштирок этиш, уларнинг самарадорлигини ошириш юзасидан таклифлар ишлаб чиқиш;

вилоят ҳокимлиги ходимлари ва улар оиласларининг уй-жой, ижтимоий-маиший, хизмат шарт-шароитларини, уларга малакали тиббий ёрдам кўрсатиш шароитларини, шунингдек, ишдан бўшатилган ёки захирага олинган ходимларни ижтимоий ва касбий мослаштириш бўйича муаммоларни комплекс таҳлил қилиш ҳамда таҳлил якунлари бўйича мазкур шароитларни яхшилаш юзасидан таклифлар киритиши.

9. Жамоатчилик кенгаши ўз зиммасига юклатилган вазифаларга мувофиқ қўйидаги функцияларни бажаради:

вилоят ҳокимлиги фаолиятига доир масалалар юзасидан фуқаролар, нодавлат нотижорат ташкилотлари ва фуқаролик жамияти бошқа институтларининг ташабbusлари ҳамда мурожаатларини кўриб чиқишида иштирок этади, шунингдек, уларни кўриб чиқиш натижалари бўйича вилоят ҳокимлигига тегишли таклифлар киритади;

вилоят ҳокимлигининг фуқаролар, нодавлат нотижорат ташкилотлари ва фуқаролик жамиятининг бошқа институтлари билан ўзаро ҳамкорлигини таҳлил қиласди, шунингдек, ҳамкорликни такомиллаштириш юзасидан таклифлар ишлаб чиқади;

вилоят ҳокимлиги фаолиятига тааллуқли унинг норматив-ҳуқуқий ҳужжатлари ва қарорларини такомиллаштириш, улардаги мавжуд камчиликларни бартараф этиш бўйича таклифлар ишлаб чиқади, шунингдек, киритилган таклифларни вилоят ҳокимлиги ходимлари ўртасида муҳокама қилишга бағишланган тадбирларни ташкил этишида қатнашади;

давлат дастурлари лойиҳаларини, тадбирлар режаларини ва ҳокимлик фаолиятига тааллуқли, шу жумладан коррупцияга қарши курашиш тўғрисидаги

бошқа ҳужжатларни ишлаб чиқиш юзасидан таклифлар тайёрлайди, қабул қилинган дастурларни амалга оширишда ваколатлари доирасида иштирок этади, бажарилган ишларнинг самарадорлигини таҳлил қиласди, шунингдек, йўл қўйилган хато ва камчиликларни бартараф этиш юзасидан таклифлар тайёрлайди;

вилоят ҳокимлиги раҳбарлари ва ходимларининг фуқаролар билан учрашувларини, шунингдек, жисмоний ва юридик шахслар мурожаатларини кўриб чиқиш билан боғлиқ ишларни ташкил этишда, шу жумладан жойларга бориб ташкил этишда қатнашади, уларнинг амалга оширилиши устидан мониторинг ўтказади;

вилоят ҳокимлиги ходимлари ва улар оиласидан ташкил этишда, шароитларини, уларга малакали тиббий ёрдам кўрсатиш шароитларини яхшилашда, шунингдек, ишдан бўшатилган ёки захирага олинган ходимларни ижтимоий ва касбий мослаштириш муаммоларини ҳал этишда кўмаклашади;

ходимлар ва уларнинг оила аъзоларини ижтимоий ва ҳуқуқий ҳимоя қилиш масалалари бўйича ҳокимлик ходимлари ўртасида кенг тушунтириш ишларини ташкил этади;

вилоят ҳокимлигига, туманлар, шаҳарлар ҳокимларни ва тасарруфидаги ташкилотларида соғлом ишчанлик мухитини ривожлантириш, қонунийликни, юксак ҳуқуқий маданият ва ахлоқийликни таъминлаш, ходимларда Ватанга содиқлик руҳини ва қонунларга бўлган ҳурматни кучайтириш, уларни ижтимоий, сиёсий, руҳий ва маънавий-маърифий камол топтириш, шунингдек, мазкур соҳадаги илмий-маърифий ва ўкув адабиётларини такомиллаштириш бўйича таклифлар ишлаб чиқади;

мамлакатда ва хорижда кенг жамоатчиликни вилоят ҳокимлиги фаолиятини ислоҳ қилиш бўйича амалга оширилаётган тизимли чора-тадбирлар ҳақида мунтазам равищда хабардор қилишни таъминлайди ҳамда мавжуд муаммоларни ҳал қилиш ва камчиликларни бартараф этиш юзасидан таклифлар ишлаб чиқади;

вилоят ҳокимлиги фаолиятига бағишлиланган илмий-назарий ва илмий-амалий конференциялар, семинарлар, давра сухбатларини ташкил этишда иштирок этади;

вилоят ҳокимлиги фаолиятини оммавий ахборот воситаларида ёритиш бўйича бажарилаётган ишларнинг натижаларини таҳлил қиласди, уларнинг самарадорлигини ошириш ва мавжуд камчиликларни бартараф этиш юзасидан таклифлар ишлаб чиқади;

ўзига юклатилган вазифаларни бажаришда нодавлат нотижорат ташкилотлари, оммавий ахборот воситалари, фуқаролик жамиятининг бошқа институтлари ҳамда фуқаролар билан ҳамкорлик қиласди.

10. Жамоатчилик кенгаши зиммасига юклатилган вазифалар ва функцияларни бажариш учун:

вилоят ҳокимлиги томонидан ташкил этиладиган бўлажак очик ҳайъат мажлислари ва бошқа оммавий тадбирлар тўғрисидаги ахборотни олдиндан олиш ҳамда мазкур тадбирларда иштирок этиш;

вилоят ҳокимлигининг, жумладан унинг худудий бўлинмалари ва тасарруфидаги ташкилотларининг бинолари (хоналари) ва бошқа объектларини вилоят ҳокимлиги томонидан белгиланган тартибда бориб кўриш;

вилоят ҳокимлиги, унинг худудий бўлинмалари ва тасарруфидаги ташкилотлари раҳбарларига жамоатчилик кенгаши ваколатига кирадиган масалалар юзасидан таклифлар киритиш;

вилоят ҳокимлиги фаолияти самарадорлигини ошириш бўйича таклифлар ва тавсияларни ишлаб чиқиш ҳамда амалга ошириш учун зарур бўлган давлат органининг ахборотлари, статистика ва бошқа материалларини белгиланган тартибда олиш;

вилоят ҳокимлигининг қонун ижодкорлиги фаолиятида, вилоят ҳокимлиги томонидан ишлаб чиқилган норматив-хуқуқий ҳужжатлар лойиҳаларининг жамоатчилик ва эксперtlар муҳокамасини таъминлашда иштирок этиш;

жисмоний ва юридик шахслар мурожаатларига вилоят ҳокимлиги томонидан берилган жавобларнинг сифатини танлаб олган ҳолда таҳлил қилиш;

вилоят ҳокимлиги ходимларининг розилиги билан уларнинг уй-жой, ижтимоий-маиший ва хизмат шарт-шароитлари билан танишиш;

жамоатчилик кенгаши мажлисларида муҳокама қилинадиган масалаларни ёритиш бўйича оммавий ахборот воситалари билан ҳамкорлик қилиш;

юклатилган вазифаларни бажариш учун конференциялар, форумлар, семинарлар, давра сұхбатлари ва бошқа тадбирларни ташкил этиш хуқуқига эга.

Жамоатчилик кенгаши қонун ҳужжатларига мувофиқ бошқа хукуқларга ҳам эга бўлиши мумкин.

11. Жамоатчилик кенгаши ўз фаолиятини амалга оширишда:

жамоатчилик назорати тўғрисидаги қонун ҳужжатлари талабларига риоя қилиши;

вилоят ҳокимлиги фаолияти билан боғлиқ қонун ҳужжатларида белгиланган чекловларга амал қилиши;

вилоят ҳокимлиги ва унинг мансабдор шахсларининг ўз ваколатлари доирасида амалга оширадиган фаолиятига аралашмаслиги;

вилоят ҳокимлиги ва унинг мансабдор шахслари фаолият кўрсатиши учун тўсқинлик қилмаслиги;

фуқароларнинг ор-номуси ва қадр-қимматини таҳқирлашга, уларнинг шахсий ҳаётига аралashiшга йўл қўймаслиги;

жамоатчилик назоратини амалга ошириш давомида олинган ахборотнинг, агар бундай ахборотни тарқатиш қонун билан чекланган бўлса, махфийлигига риоя қилиши шарт.

Жамоатчилик кенгашининг зиммасида қонун ҳужжатларига мувофиқ бошқа мажбуриятлар ҳам бўлиши мумкин.

3-боб. Жамоатчилик кенгашининг таркибини шакллантириш ва ишини ташкил этиш тартиби

12. Жамоатчилик кенгашининг таркибига унинг раиси, раис ўринбосари, котиби ва аъзолари киради.

13. Жамоатчилик кенгаши аъзолигига, қоида тариқасида, вилоят ҳокимлигига намунали хизмат кўрсатган меҳнат фахрийлари, жамоатчилик фаолияти соҳаларида катта амалий тажрибага эга обрў-эътиборли фуқаролар, шунингдек, нодавлат

нотижорат ташкилотлари, оммавий ахборот воситалари ва фуқаролик жамиятининг бошқа институтлари вакиллари қабул қилинади.

Жамоатчилик кенгаши аъзоларининг сони чекланмаган.

14. Жамоатчилик кенгашининг таркиби вилоят ҳокимининг қарори билан ҳар 3 йилда тасдиқланади.

15. Қуйидаги ҳолатларда жамоатчилик кенгашининг раиси, раис ўринбосари, котиби ва аъзолари унинг таркибидан чиқарилиши мумкин:

улар томонидан жамоатчилик кенгаши таркибидан чиқиш тўғрисида ариза берилганда;

жамоатчилик кенгашининг мажлисларида муентазам равища иштирок этмаганда, мазкур Низомнинг 11-бандида назарда тутилган мажбуриятларни бажармаганда;

уларга нисбатан чиқарилган суднинг айблов ҳукми қонуний кучга кирганда;

вафот этганда, шунингдек, суднинг қонуний кучга кирган ҳал қилув қарори асосида улар муомалага лаёқатсиз, бедарак йўқолган ёки вафот этган деб топилганда.

16. Жамоатчилик кенгашининг таркиби тўғрисидаги маълумотлар ва унга киритилган ўзгартишлар улар тасдиқланган пайтдан бошлаб 5 кун ичida вилоят ҳокимлигининг расмий веб-сайтида эълон қилинади.

17. Жамоатчилик кенгашининг раиси:

жамоатчилик кенгашининг фаолиятига умумий раҳбарлик қиласи;

жамоатчилик кенгашининг мажлисларини чақиради ва кун тартибини белгилайди;

жамоатчилик кенгашининг мажлисларида раислик қиласи;

жамоатчилик кенгашининг иш режасини, мажлиси баённомасини ва бошқа хужжатларини тасдиқлади;

жамоатчилик кенгаши қарорларининг ижросини назорат қиласи;

жамоатчилик кенгаши аъзоларининг зиммасига юклатилган вазифаларни бажарилишини мувофиқлаштиради;

вилоят ҳокимлигининг расмий веб-сайтида ва бошқа ресурсларда жойлаштириладиган жамоатчилик кенгашининг фаолияти тўғрисидаги маълумотлар таркиби бўйича таклифлар киритади ва уни вилоят ҳокими билан келишади;

жамоатчилик кенгаши қарорларини бажариш масалалари юзасидан вилоят ҳокими билан ҳамкорлик қиласи;

жамоатчилик кенгашининг самарали ишини таъминлаш бўйича бошқа ваколатларни амалга оширади.

18. Жамоатчилик кенгашининг раиси бўлмаган тақдирда, унинг ваколатлари ва мажбуриятларини раис ўринбосари бажаради.

19. Жамоатчилик кенгаши раисининг ўринбосари:

раис йўқлигига жамоатчилик кенгашининг мажлисларида раислик қиласи;

жамоатчилик кенгаши қарорларининг ижросини назорат қилиш бўйича ишларни ташкил этади;

фуқароларни ва юридик шахсларнинг вакилларини қабул қиласи, шунингдек, жамоатчилик кенгаши фаолиятига тааллуқли мурожаатларни кўриб чиқиш бўйича ишларни ташкил этади;

жамоатчилик кенгашининг самарали ишларини таъминлаш бўйича бошқа ваколатларни амалга оширади.

20. Жамоатчилик кенгашининг котиби:

жамоатчилик кенгашининг фаолиятини услугубий, ташкилий-ҳукуқий ва ташкилий-техник жиҳатдан таъминлаш масалаларини ҳал қиласи;

жамоатчилик кенгашининг навбатдаги мажлисига барча зарур материаллар ўз вақтида тайёрланишини таъминлайди, вилоят ҳокимлиги ходимларидан зарур ҳужжатлар ва маълумотларни сўраб олади;

кун тартибиға мувоғик жамоатчилик кенгаши мажлислари ўтказилишини ташкил этади;

жамоатчилик кенгаши ўтказиладиган сана, жой ва таклиф этиладиган шахслар рўйхатини жамоатчилик кенгашининг раиси билан келишади;

жамоатчилик кенгашининг аъзоларини ва таклиф этилган шахсларни жамоатчилик кенгаши мажлиси ўтказиладиган жой, сана ва вақт ҳақида хабардор қиласи;

жамоатчилик кенгаши қарорларининг ижро этилиши устидан мониторинг олиб боради ва унинг натижаларини жамоатчилик кенгаши мажлисида кўриб чиқиш бўйича таклифлар киритади;

жамоатчилик кенгаши мажлисининг баённомасини расмийлаштиради ва тасдиқланган баённоманинг жамоатчилик кенгаши аъзолари ҳамда бошқа манфаатдор шахсларга жўнатилишини таъминлайди;

жамоатчилик кенгашининг самарали ишлашини таъминлаш бўйича бошқа ваколатларни амалга оширади.

21. Жамоатчилик кенгашининг аъзолари ўз мажлислида кўриб чиқиладиган масалаларни муҳокама қилиш ва ҳал қилишда ўз ваколатини бошқаларга ўтказиш ҳукуқига эга эмас.

Жамоатчилик кенгашининг мажлисида иштирок этиш имкони бўлмаган ҳолатларда, унинг аъзоси мажлис кун тартиbidаги масалалар бўйича ўз фикрини ёзма шаклда юбориши мумкин. Бунда унинг фикри мажлисида кўриб чиқилади ва овоз беришда ҳисобга олинади.

Жамоатчилик кенгашининг аъзолари:

ўз зиммаларига юклатилган вазифаларни бажариш учун вилоят ҳокимлиги томонидан ташкил этиладиган мажлисларда ва бошқа оммавий тадбирларда иштирок этади;

жамоатчилик кенгаши иш режаларининг лойиҳаларини тайёрлайди, уларни жамоатчилик кенгашида кўриб чиқиш учун киритади ва тасдиқланган иш режалари бажарилишини таъминлайди;

вилоят ҳокимлиги фаолиятининг самарадорлигини ошириш бўйича таклифлар ва тавсияларни ишлаб чиқишида ҳамда амалга оширишда қатнашади;

вилоят ҳокимлиги ходимлари, уларнинг оила аъзолари билан учрашувлар ўтказади ва уларнинг ҳуқуқлари, эркинликлари ҳамда қонуний манфаатларини таъминлаш бўйича таклифларни жамоатчилик кенгашига киритади;

жамоатчилик кенгашининг кун тартибига киритилган масалалар юзасидан таҳлилий материаллар тайёрлайди;

жамоатчилик кенгашининг ваколатига кирадиган масалалар билан боғлиқ мурожаатларни кўриб чиқади ва натижалари бўйича тегишли ҳужжатларни тайёрлайди;

жамоатчилик кенгашининг зиммасига юклangan вазифалар ва функцияларга мувофиқ бошқа ваколатларни амалга оширади.

22. Жамоатчилик кенгаши фаолиятининг асосий масалалари унинг мажлисида кўриб чиқилади. Жамоатчилик кенгашининг мажлиси унинг иш режалари асосида ҳар чоракда камида бир марта чақирилади.

Жамоатчилик кенгашининг раиси жамоатчилик кенгаши аъзоларининг учдан бир қисмининг ёзма мурожаати асосида унинг навбатдан ташқари мажлисини чақириши мумкин.

23. Жамоатчилик кенгашининг мажлисларига бошқа давлат органлари, нодавлат нотижорат ташкилотлари ва фуқаролик жамияти институтларининг вакиллари таклиф этилиши мумкин.

24. Жамоатчилик кенгаши мажлиси кун тартибининг лойиҳаси котиб томонидан жамоатчилик кенгаши аъзоларининг таклифлари ва жамоатчилик кенгаши раисининг топшириғи асосида шакллантирилади.

25. Жамоатчилик кенгашининг мажлисими унинг раиси олиб боради. Раис иштирок эта олмаган ҳолатларда, мажлисни унинг ўринbosари олиб боради.

Жамоатчилик кенгашининг мажлисида вилоят ҳокими, унинг ўринbosарлари ва бошқа ходимлар иштирок этиши мумкин.

26. Жамоатчилик кенгашининг мажлиси, агар унда жамоатчилик кенгаши аъзоларининг камида учдан икки қисми (кворум) иштирок этган тақдирда ваколатли хисобланади.

Мажлисни ўтказиш учун кворум шаклланмаган тақдирда, жамоатчилик кенгашининг янги мажлиси ўтказиладиган сана эълон қилинади.

27. Жамоатчилик кенгашининг қарори мажлисда иштирок этаётган жамоатчилик кенгаши аъзоларининг оддий кўпчилик овози билан қабул қилинади.

28. Жамоатчилик кенгашининг ҳар бир аъзоси қабул қилинаётган қарорлар бўйича ўзининг фикрини ёзма шаклда ифодалашга ҳақли. Унинг фикри жамоатчилик кенгаши мажлисining баённомасига мажбурий тартибда қўшиб қўйилади.

29. Жамоатчилик кенгашининг мажлисида қабул қилинган қарор баённома билан расмийлаштирилади. Жамоатчилик кенгаши мажлисining баённомаси котиб томонидан имзоланади, мажлисга раислик қилувчи томонидан тасдиқланади ва уч кун муддатда вилоят ҳокимлигига, жамоатчилик кенгаши аъзоларига ва манфаатдор шахсларга юборилади.

30. Жамоатчилик кенгашининг қарорини тезлик билан қабул қилиш зарурияти туғилганда, унинг раиси ташаббуси билан қарор жамоатчилик кенгашининг аъзолари билан келишилган ҳолда сўров йўли билан қабул қилиниши мумкин.

Давлат органи жамоатчилик кенгашининг қабул қилган қарорига қўшилмаган ҳолларда, жамоатчилик кенгашининг қарорини олган кундан бошлаб ўн кундан кечикмай унга асослантирилган эътиrozини ёзма шаклда юборади.

31. Жамоатчилик кенгашининг котиби кенгаш аъзолари кўмагида жамоатчилик кенгashi қарорлари ижросининг боришини ўрганади ва кўриб чиқади, зарур бўлган ҳолларда, жамоатчилик кенгашининг раисига тегишли таклифлар киритади.

4-боб. Якунловчи қоидалар

32. Жамоатчилик кенгашининг фаолиятини моддий-техник жиҳатдан таъминлаш вилоят ҳокимлиги томонидан, шунингдек, қонун ҳужжатларида тақиқланмаган бошқа манбалар ҳисобидан амалга оширилади.

33. Жамоатчилик кенгашининг фаолияти унинг низомига ва Ўзбекистон Республикасининг қонун ҳужжатларига мувофиқ эканлиги вилоят ҳокими томонидан назорат қилинади.

34. Жамоатчилик кенгашининг ва вилоят ҳокимининг жамоатчилик кенгashi фаолияти билан боғлиқ қарорлари устидан белгиланган тартибда шикоят қилиниши мумкин.